

[www.BibleForChildren.org](http://www.BibleForChildren.org)



Zaan 14



'Bhe blaán, 'ke Zesu 'a 'pele -yaa' -kianlanε mu 'ε ni  
'ezin- dɔɔ: «'Ka 'laa 'ka zrubatεdɔle. -Ka 'ka  
'kpa -Waanbhaa' 'yi, 'bheε- -ka 'ka 'kpa 'mi 'yi 'ezin-  
Yaayrε -bebe -o 'η Dε -Waanbhaa' ba 'fε 'ε =la.»



«'Ke 'bhe 'laa -o bi 'ke wlan 'le, 'naa -yaa nu -a pele 'ka ni dɔɔ 'mi ge 'zi 'ka 'yaayɛ- magaanle 'ka 'leɛ -so. 'Ke 'η 'yaan- 'ka 'yaayɛ- 'ε magaanlele bhla 'la ba, 'η nu nule 'ka 'kunle-, 'kooko- 'η 'yoo- yɛ 'la =nɔɔ 'ka kle 'bhe =nɔɔ 'ezin-.»



'Mi Zaan -o 'ke 'ka nεεnε- 'le. 'Mi 'pegee 'ka mu nii-  
'ε 'kpale- -o do ma Zesu a -yρεnbhlele ma, 'bhe  
'pegee -yaa' -bhleηgbeya 'ε 'yi, 'bheε-

-yaa' -yρεn 'yikunle 'ε 'yi. -Woo 'η =kwan 'bhii-  
-kaso 'yi mi do, 'bheε- -o




-ja 'η 'le Patimosi  
'kleen 'ε 'yi: eyi-  
'mliηgole -yaa 'bhe  
'kleen 'ε zi.



'Ŋ 'kun win 'ε 'bhe -le -yaa 'kaa 'η -Waanbhaa' a  
-jan 'ε=woa μεε mu ni, 'bhe 'pegee 'η  
Zesu 'srεya- =kla.




'Bhe yre do 'ε =nɔɔ bhe, 'ke \*Lii 'Wen 'ε zinale 'η ta,  
'kee- gele- 'η 'le lafle' 'ε 'yi, 'bheε- 'ke 'η -bhleŋgbe  
'yaakpe- do yele-. 'Bheε- mεε do yaale -yaa 'bhe kpe 'ε  
ta.




'Bhεε- laflε' 'yi pε mu 'kpen oo, 'tre ta pε mu oo, 'tre =la  
pε mu oo, 'bhe 'pegee wεyi- ba pε mu 'ε 'kpen, 'η -wo  
'kpen 'weli- -maa. 'Bhεε- 'drunyan  
ta pε mu 'ε 'kpen 'yaa- 'srokpa zii'  
ᄇᄇ: «Μεε 'la zan yaale -o  
-bhlenᄅbe 'yaakpe- 'ε ta, 'bhe  
'pegee -Bhlaa Gwlen Bhlonε- 'ε  
-waa pε -le 'ke  
magbaandεleya  
oo, -lεᄇle a ma  
oo, 'ᄇbhᄇleya  
'pegee -ᄅlᄇᄇya'  
'le -zᄇn 'pegee  
yikpεnsee  
ta!»



'Bhεε- 'η -Waanbhaa' a -wa 'ε =ya, Zeruzalemu -wa drεε  
'ε. -E -daa -Waanbhaa' ba lafle' ma, 'bhεε- -e -zinaa' 'trε  
ma. -A -Iεmagaanle le -yaa 'bhii- le drεε 'la 'bhε -baala  
'ke -woo ge 'zi -a dεle -a -noo 'ε ba.'Bhε 'yi 'tε, 'ke  
'η -weli' -glεε do male- 'ke 'bhε da -bhlehgbe 'yaakpe- 'ε  
'yi, 'bhεε- 'bhε  
pe dεε: «-Ka  
'ka 'yρεkra -ge  
doo, -Waanbhaa'  
gbayre 'weη 'ε -yoo  
bhaapleη mu pleη-  
'saanige! -E nu bolε -o  
pleη-, 'bhεε- -o nu klele  
-yaa' pe 'le. 'Bhεε- 'yee-  
-Waanbhaa' 'gbu nu klele  
-o ba.»



'Bhe blaam, yue 'la -yi 'ε -si na mee ni -mleke'  
'bhe -zɔɔna 'η ni. -E -yaa 'flee 'peɲpeɲ 'bhii- 'veɛ  
'bhigbeɣa gbɛɛn-, 'bheɛ- -e -yaa -yro 'zi  
'kee- da -Waanbhaa' 'pegee \*-Bhlaa Gwɛn Bhlone- 'ε  
waa -bhleɲgbe 'yaakpe- 'ε 'yi.



-Wa 'ε maza laa -yaa -yretεbhe 'pegee laanima mε ma,  
'bheε- mεε yre ma ye, -amasroyi -Waanbhaa' -Ireleya  
'bhile- -yrayra 'ε 'bhe 'yaa- -a takan 'weη; 'bheε- -Bhlaa  
Gwlεn Bhlonε- 'bhe -le 'a ta 'tεbhile 'le 'ezin-.



'Dun- pe 'trinle- 'kedo- 'kpo 'laa nu wlaɛ -a noo- ye;  
'bheɛ- 'ke meɛ 'oo meɛ 'la zan -za 'yoo- kle,  
'bheɛ- 'ke -yoo 'ke bhlani- 'le 'bhe  
zan laa nu wlaɛ -a noo- ye.


-O meɛ 'la zan mu 'to  
yooɗdia- bole -yre ma -si  
'la 'ke -dan' 'laa -o 'bhe  
ma, 'bhe a 'sewe 'e 'yi,  
-Bhlaa Gwɛn Bhlone-  
'e -yaa' 'sewe 'e, 'bhe zan  
mu 'gbansaan 'te -le nu  
wlaɛ -a noo-'yee- -wa 'e ta.




«-E nu -o -yreyi' mu 'ε 'kpen  
golε -o -yre =la. 'Bheε- ga 'pegee  
bhee 'kpale- laa nu klele -li, 'bhe  
'pegee waa nu -gbekanwli male  
'ezin- -li, 'bheε- -yren mu laa nu  
klele -li. -Amasroyi 'drunyan gwe 'ε  
'bhe 'trunwoa=, 'bheε- 'bhe 'laa -o -li  
ye.»




'Danɔŋan 'laa nu kɛɛɛ -a =nɔɔ ye. -Waanbhaa'  
'pegeɛ -Bhɩaa Gwɩɛn Bhɩɔnɛ- 'ɛ -waa -bhɩɛŋgbe  
'yaakpe- 'ɛ nu kɛɛɛ -wa 'ɛ 'kpee, 'bhɛɛ- -yaa' yewonɛ  
mu 'ɛ nu -a gbale. -O nu -a -wɩɛyi' 'ɛ 'yeɛ- kɔataakra,  
'bhɛɛ- -a 'tɔ 'ɛ yɔɔndɛɛɛ  
nu kɛɛɛ -o -mɩɛɩɩ'.




'Bhe blaam 'ezin-, 'ke 'η μεε gbaa mu 'ε 'yele: μεε  
gblaam mu 'pegee μεε 'fiɛntrɔnnε mu; -o 'kpen  
dulale -yaa -bhlenɔbe 'yaakpe- 'ε 'le ma. 'Bheε- -o 'sewe  
kpo mu -liiploola. 'Bheε- -o 'sewe kpo -bheεke'  
do -liiploola 'ezin-: 'bhe -le -yaa 'ke  
-Waanbhaa' ba bole -yε ma -si 'la  
'ke -dan' 'laa -o 'bhe ma,  
'bhe a 'sewe kpo 'ε 'le.



'Bheε- μεε mu 'ε -o -za mu 'la 'kpen =kla -o  
gale -λεε, -woo -o 'kitikaan 'ke 'bhe 'εβεηgole kle -o  
kleza mu 'ε 'le, -o kleza mu 'la γῶνδελε -yaa 'bhe 'σεωε  
kpo mu 'ε 'yi. Waa μεε 'oo μεε 'la zan 'to -γῶνδελε  
'yeλε- -Waanbhaa' ba bole -yρε ma -si 'la  
'ke -dan' 'laa -o 'bhe ma 'bhe a 'σεωε 'ε 'yi,  
-o 'bhe zan 'ε -blinna 'te -bhlalii 'ε 'yi.



'Bhe klele 'te, 'ke -Waanbhaa' Lii 'Wen 'e 'pegee Le drεε  
'ε -wa pele- dɔɔ: «Nu!» 'Ke μεε 'la zan -jan 'leε- =maa,  
'bhe zan 'a 'pe dɔɔ: «Nu!» 'Ke -yi 'mi -lɔ -o μεε 'la zan  
ma, 'bhe zan nu. 'Ke μεε 'la zan maza -o -yi 'la  
bole -yρε ma -si na μεε ni, 'bhe zan 'bhe 'si bhaama.



-Amasroyi 'drunyan ta mεε mu 'ε 'so  
gbe -yoo 'ε 'koo -Waanbhaa'  
ni, 'ke -ya \*Gbe bhe do 'kpo 'ε 'nale  
'ke 'sraka 'le, 'kooko- 'ke mεε 'oo  
mεε 'la zan 'e =kpa a -a -yi,  
'bhe zan laa ni, . . .



. . . 'bheε- 'bhe 'plengole  
kle -Waanbhaa' ma, 'duη- 'bhe zan  
'ε -Waanbhaa' ba bole -yre ma -si  
'la -dan' 'laa -o 'bhe ma  
'bheε- 'srɔɔwo-.



Romε 3:23 Wlan 'ε ni, bhaaplenj mu 'kpen -za 'yoo- =kla;  
'bheia- -yile, waa so 'tenle -Waanbhaa' dogbeyā  
'tobhole -lesole 'ε ma.

Romε 6:23 -Amasroyi -za 'yoo- ma -sra -le 'ke gale 'le;  
'duj- -Waanbhaa' -koo' gba pe 'la ba bhaama, 'bhe -le 'ke  
bole -yre ma -si 'la -dan' 'laa -o 'bhe ma -koo' 'pegee  
Mεεzan Zesu Krisi 'kpaledomaya 'ε 'yi 'bheε- 'le.

Ebre 9:27 Bhaaplenj 'oo bhaaplenj, 'bhe -o 'ke ga pe  
'le -gloon do 'kpo. -A gale blaana, 'bheε- -Waanbhaa' 'a  
'kitikan.

Efεzi 2:8,9 -Waanbhaa' a -lileya 'ε 'bheε- ma, 'bheε- -e  
'ka -gwa -za 'yi 'kaa- 'kpaleya -a -yi 'bhe 'sroyi. 'Ka gole  
'ε -za 'yi bhe, 'bhe 'laa dale 'ka mu 'gbu a fanjan- 'ε  
ba, -Waanbhaa' -le 'ka -gwa -za 'yi bhaama; 'bhe 'laa dale  
'ka 'gbu kleza -Irele' mu 'ε ba, 'kooko- mεε 'kedo- 'kpo 'laa  
so 'bhe 'gbu 'wasowole.



Romε 10:9,10 'Kee- -daa 'e 'lii, 'bheε- 'ke 'ya =pia mɔkpen'  
'yε ma kpataakpa dɔɔ Zesu -o 'ke Mεεzan 'le, 'bheε- 'ke  
'yee =kraa -a -yi 'e zru 'ε 'kpen 'le 'bhii- -Waanbhaa'  
'yela- -bwela gale ba, 'e nu goε -za 'yi 'bhe ma. -Amasroyi  
'ke mεε 'la zan 'e =kraa Zesu 'yi -a zru 'ε 'kpen 'le, 'bhe -le  
'a kle 'bheε- -Waanbhaa' 'bhe zan kun 'bhii- mεε -lεdɔɔle  
'le -a -yε 'yi; 'kee- -daa mεε 'la zan -lii kpataakpa dɔɔ  
Zesu -o Mεεzan 'le, 'bhe zan go -za 'yi.

Zaan 3:16,17 -Amasroyi 'drunyan ta mεε mu 'ε 'sɔ gbε -yɔɔ  
'ε 'kɔɔ -Waanbhaa' ni, 'ke -ya \*Gbe bhe do 'kpo 'ε 'nale 'ke  
'sraka 'le, 'kooko- 'ke mεε 'oo mεε 'la zan 'e =kraa -a -yi,  
'bhe zan laa ni, 'bheε- 'bhe 'plεngole kle -Waanbhaa' ma,  
'duη- 'bhe zan 'ε -Waanbhaa' ba bole -yε ma -si 'la -dan'  
'laa -o 'bhe ma 'bheε- 'srɔɔwo-. 'Duη-, -Waanbhaa' laa -a  
Gbe 'ε 'kpale- 'drunyan 'yi -kpan baa- zayi' 'drunyan 'yi mu  
'ε ta. 'Duη- -ya gbe 'ε =kraa, 'kooko- 'ke -o go -za 'yi -a  
'sroyi.



1 Zaan 5:11-13 'Bhe 'srɛya- kɛɛle 'ɛ 'bhe -le -gɛ:  
'yee -Waanbhaa' bole -yɛ ma -si 'la -dan' 'laa -o 'bhe ma  
'bhe=naa -kɔɔ' ni, 'bheɛ- 'bhe -o -a Gbe 'ɛ 'yi. 'Ke mɛɛ 'la  
zan 'pegee -a Gbe 'ɛ -woo 'kpaledomaya 'yi, bole -yɛ  
ma -si 'la -dan' 'laa -o 'bhe ma -o 'bhe zan 'kɔɔ. 'Duŋ- 'ke  
mɛɛ 'la zan 'pegee -a Gbe 'ɛ waa -o 'kpaledomaya 'yi,  
'yee- -si 'ɛ yaa -o 'bhe zan 'ɛ 'kɔɔ. 'Ŋ 'lɛtrɛ 'lɛɛ- =kpaɛ 'ka ni,  
'kooko- 'ka mu 'la 'ka 'kpale- -o -Waanbhaa' Gbe 'ɛ 'tɔ 'yi,  
'kaa 'yaango- 'bhii- bole -yɛ ma -si 'la -dan' 'laa -o 'bhe ma  
'bhe -o 'ka 'kɔɔ.



Zaan 14; 2 Korɛnti 5; -Yrɛ 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Mwan NT (moa) © 2006, Wycliffe Bible Translators, Inc All  
rights reserved.

<https://live.bible.is/bible/MOAWBT/MAT/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

